

نومرو : ۸۳

اداره خانه

ایستانبول . جفال اوغلنده

داثره اجتهادده

“ Idjtihad ” Constantinople

دوردنچی سنه

اجتهاد

۵ کانون اول ۱۳۲۹

آبونه

سنه لك آلتی آیلق

تورکیا ایچین : ۵ غروش ۳۰ غروش

ممالك اجنبیه ایچین ۱۵ فرانق ۸ فرانق

نسخه سی ۵۰ باره به

حریت فکریه به خادم

پنجشنبه کونلری چیقار اجتماعی، ادبی مجموعه

مدیر مرخص : الہامی صفا

وهرتەر

بوكتابی، بوندن اون پدی سنه اول، وهرتەرک عشقنه حساً آشنا اولدیم بر زمانده ترجمه ایتیم. اوزماندنبری حسلم قلبمده. کتاب بردولابده مدفون قالدی. قاردهشمک اوغلی الهای بوکون اون بوتون غبارماتیه مدفندن چیقاروب طبع ایدیور. اوزمان سوزده شویله باشلامم:

برقاچ سوز

آلمان داهی شهری غوتهک بو اثری ۱۷۷۴ سنه سنده میدان انشاره چیقادی زمان یالکز آلمانیده دکل، بتون اوروپا عالم ادبیاتنده بیوک ولولهله آلفیشلاندی. تاریخ انشارندن ایکی سنه سوکره فرانسهجهیه، بش سنه سوکره انکلیزجهیه، پدی-نه سوکره ایتالیاجیه، طفوزسنه سوکره اسوچ لسانه، اون دوت سنه سوکره روسجهیه، اوتوزسنه سوکره اسپانیولجهیه ودها سوکره دها برقوق لسانلره ترجمه ایدلش، ایشته ۱۲۲ سنه سوکره ده (شیمدی ۱۴۰ سنه دیمکدر) ترجمه سی کورلیور، اوروپاده حالا مختلف طابعلر طرفندن، مختلف قطعه لرده باصیلان یوز بیکلرجه نسخهلر، جهانک هر طرفنده رغبتله اوقونقمده در. ذاتاً وهرتەر اسمی عثمانی ارباب مطالعه سی ایچنده ایشتمه یین نادر در. شوقدرکه کتابی اوقومق یالکز اوروپا لسانلرندن برینه واقف اولانلره منحصر قالمش کیدر. ای فنا بر ترجمه سی ده بزده بولونسون دیدم. اثر اصلندن نقل ایدلش اولسه پدی شبهه سز دها ای اولوردی.

ترجمه نک ترجمه سی — بیلیم نه کبی دییم — اصله براز یانچی قلاجق ظن ایدیورم. نه ییام که آلمانجه بیلنلر بوهمی دریغ ایدیورلر: بیلدکارمندن برقاچی اجبار ایتیم، غیرتم بوشه چیقدی. حال بوکه ولو فرانسهجه سی اولسون وهرتیری اوقودین زمان بنده حاصل ایتدیکی تأثیر متصل قلبمده تیره یوردی. وشبهه سز بورساقه ایدی. ایشته بو ترجمه اوساقه نک ابرامیه وجود بولدی. فرانسهجه سی اوقورکن نیم حس ایتدیکی بو ترجمه قارئینه احساس ایده بیلرسه نه موطلو!

- ۲۲ تشرین ثانی ۱۳۱۲ -

علی طای

(اجتهاد) ک تفرقه سی

وهرتەر

۴ مایس سنه ۱۷۷۱

شو سیاحتدن نهدر نمونم: آه، دوستم! انسان نه غریب بر مخلوقدر! بن سنی بوقدار سورکن، سندن

هیچ آریلازکن.. سنی ترک ایده یمده ینه حالمندن نمون اولایم: اینسانیه جق شیمیدی؟ فقط بیلیم که بوندن طولانی بنی معذور کوررسک. ذاتاً سائر مناسبتلرم، هی بنی رنجیده ایتک ایچون کویا طالعکم برر انتخابکرده سی کبی دکیدیلر؟ زواللی له نونور!... بونکله برابر بن بوایشه بی کنه ایدم. بویله اولاجنی هیچ خاطریه کله مشدی. بن بر طرفدن همشیره سیله.. اوشیوه کار، اوشوخ ادا همشیره سیله ملاطفه لده بولنه رق کوکلمی اکندیرمکدن بشقه برشی دوشونم دیکم برصرده اوتهدن اونک قلبنده بویله منحوس برعلاقه نک اشتعال ایده جکنی بیلیر میدم؟ بونکله برابر عجب اوقادارده بی کنه یم؟ اونک احتیاساتی بیله رک بن بسله مدمی؟ اوساده دلانه هیجانلری، شوریده لکلی که اساساً پک کولونج اولم دقلری حلاله قاچ دفعه لر بزی کولدورمشیدی؟ بالخاصه بنی محظوظ ایتز میدی؟ بن دیکلی یم که... اوح! بوانسانلر نه جسارته لالردن شکایت ایدرلر! عزیز دوستم، سکا وعد ایدرم؛ ارتق اصلاح نفس ایده جکم. ارتق طالعمرک بزه حاضر لادینی تلخاب حیاتی - هر وقت یایدیم کبی - صوگ قطره سنه قدر صرف واسته لاک ایتک ایسته م. بوندن صکره خالندن استفاده ایده جکم. ماضی ایسه نیم ایچون کچمش، اونودلش اولاجق. اوت، دوستم! شبهه سز حقیسک؟ اگر انسانلر بتون قوه خیالیله لرینی کچمش آجیلری یاد و تکراره حصر ایده رک اونلری تجدید ایتسه لر... (فقط بویله اولمالرینک سببینه الله بیلیر)... اوت، خالندن نمون اولمق طورورکن ماضی حسابنه متالم اولماسه لر انسانلر شم دیکنه نسبت دها آز متادی اولورلردی.

بن بوراده پک ای یم. بوايصسز قیرلرک، بو جنت کبی یرلرک سکونت تنهاسی ایچنده تسلی بولیورم. هر شیه تازه برحیات ویرن موسم ربیع؛ تبلرزه زمهریر اولان بویرلری ده طاقلی بر حرارتله ایصتمه یه باشلادی. هراغاج، هرچیت بر چیچک دمتی منظره سی ارانه ایدیور، وشو

بيك درلو ساق نبات كشف ايدرم؛ قلم بواوتلرك
 آرمسند تعيش ايدن اوبى حساب، اوپر شتاب قوردلرك،
 بوجكلرك موجوديت هيچاھيچنى دھاياقيندن كورور؛ كه
 روحم - بزلى كندى نور صمدانيسندن خلق ايدن -
 قادر مطلق حضور جبروتينى مشبوعانه حس ايدر،
 اونك دريائى بي كنار صفاده بزلى سوق ايدن نفحه
 كرمفراسنى طويارم: آه دوستم! اودم كه معماي خلقت
 بوصورتا پيش چشممده انفلاقه باشلار؛ سماي
 لاتناھي تي كوگلمده برمعهشوقه جانربانك تجلاسى كي
 قياس ايدرم.. ايسته اوزمان درين درين كوكس كچيرهرك
 كندى كنديمه شويله حايقيريم: آه، نه اولوردى شودقيقهده
 حس ايتديككي افاده ايدم بيلسه يديك؛ نه اولوردى بوقدر
 حرارتله، بويله برفيض ايله كچيرديكك شوحياتي بوتون
 اوصافيله اضماره ويا بياض بركاغداوزرنده اظهاردموفق
 اولايديك! برصورتده كه اوكاغد سنك روحكك مرآئي
 اولسون، نصل كه روحكده كائناتي طولدوران بر موجوديت
 ازليه نك شوآنده آينه انعكاسيدر!... فقط، دوستم..
 بوتجليلرك عظمت و قدرتي آلتنده زبون اولديغى، ازبلديكى
 حس ايدنيورم.

✽

۱۲ مایس

بيلم بويرلرده دلفريب، خيال آرا پرلرمي طولاشيور؟
 يوقسه قوه سحريره لاهوتي برنقاب ايله كلوب قلبى
 تسخيرى ايتدى؟ هر نه ايسه بن بوراده هر جانمده،
 هر شيدده بهشتي برشميمه طويينورم. كويك همان مدخلنده
 بريكار واردر. مهلوزين وهمشيره لرى كي بنده بويكارك
 اسيرى يم. اولاه، كوچوك برتپه نك اتكندده مغاره مسى
 برير مشهود اولور.
 بونك مدخلندن كيريلهرك يكرمى قدمه قدر اينينجه
 اوراده اڭ صاف، اڭ براق بر صويك مجلا برمرمردن
 تقطر ايتديكي گورولور. حوضه ي قوشانان كوچوك بر
 ديوار، صوگردهده بوھيئي ظل كشييله اورتن جسيم
 اغاچلر، موقعك سرينلنكي.. حاصلى بتون بوشيلرسزى

بحرنكهت پرتو خروش ايچنده يوزهرك غدالمنق ايچون
 انسانك كلك اولاجى گلييور.

شهر او قدر خوشمه كيمه دى. فقط جوارنده
 دلپسند يرلر وار. ينه بونك ايچوندر كه متوفى قونت
 (دوم...)- اشكال مختلفه لريله لطيف واديلر تشكيل ايدن-
 بو متسلسل تپه لرك برينك صيرتنده بر بغچه تاسيسنه
 لزوم كورمشدرد. بو بغچه بك ساده بر شيدرد؛ ايچنه
 كيريلنجه بونك عالم بر مهندس ورسام طرفندن طرح
 ايدلمه يكي نصل آڭلاشيليرسه، ذوق سليم اربابندن،
 حساس بر كيمسه نك ينه كنديمى ايچون ترتيب ايتمش
 اولديغى ده او قدر تظاهرايدرد. خراب برقرينه نك آلتنده
 قاچ دفعه لرونك خاطر سهيله كوزياشلىرى دوكم. بور،
 وقتيله اونك ايچون اولديغى كي، شيمدى ده بنم ايچون
 معزز بر حجره ازوادرد.

✽

۱۰ مایس

روحده غريب فقط خوش برسكونت وار؛ بهارك
 اوخلاوتنى صباحلى كي كه بنده انلردن حقيه شيرين
 مذاق اولمقدميم. يالكيزم؛ هم اويله بريرده ياشامق
 ذوقه نائلم كه يدخلت مخصوصاً بنم تحسناتمده كي روحلر
 ايچون وجوده كتيرمش دنيله بيلير. او قدر بختيارم،
 دوستم، او قدر جانپورانه راستراحت مستغرق كه هنرم،
 معرفتم بوندن طولاي عادتاً ئوزولييور. بر چيزكي بيله
 چيزميه جكم، معمايه بن هيچ بر زمان شيمديكي قدر
 رسام اولمادم.

اودم كه وادينك سيسلرى يواش يواش كوز-
 يك اوگنده يوكسليير، سمت راسمده نور آتش
 مزاجى شو مظلوم اورمانك طاق كشيغه عموداً
 دوشهرك، يالكز طرف طرف بعض پريشان موجه لرى
 اومعبد سرائرمانك اعماقنده پيچ وتابلر كوسترد..
 اودم كه بردره نك جريان ساكتانه سنى ديكله ملك ايچين
 يوكسك اوتلرك اوستنده يره ياتهرق اوراده مجهول اولان

۱۵ مایس

صاف یورکلی کویلر ارتق بنی طانیورلر . هبسی
وخصوصیه چوچقلر بنی چوق سویورلر . دها برقاچ
کون اول یانلرینه یاناشوب ده دوستانه بعض شیلر صورسه م،
کندیلرله اکنمکه کلشم ظننه دوشه رک خشونته صاوو-
شیورلردی . خوش ، بو حاللرندن بن ده هیچ کوجنمو-
ردم یا ! فقط وقتیه ذهنمی اشغال ایدن برفکرک حقیقتی
بو سفر دها کسکین بر صورته درک ایتدم . هر نصل
اولورسه اولسون بررتبه ومرتی حازاولانلر کندیلری
مادونلرندن پک خود پسندانه بر بروتنه آیریورلر ؛
صانکه اونلره یاقلاشمقوله مزیتلرندن بر قسمنی ضایع
ایتمکدن قورقارلر ؛ فضله اوله رق اوویه باشی بوش مستزیر
واردرکه بیچاره عوام ناسک درجه سته ؛ انجق اونلری
دها زیاده جریحه دار ایتمک ایچون تنزل ایدرلر .

بیلیم که بز ، انسانلر هیمز مساوی بر درجه ده
دکتر ، اولامایزده ؛ فقط اعتقادجه کندیی صایدیرمق
ایچون بویله عوام ناسدن قاچغه لزوم کورنلر - مغلوب
اولمق قورقوسیه - دشمنلرینه قارشی کندیلرینی صاقلایان
دنی وجین آدملردن زیاده دگرلی دکدرلر .

شورده یته بنم پیگار باشنه کیتدم . بر خدمتی
قیزی دستینی مردیومک صوگ باصاماغنه قویمش ،
احترازی برنظرله اطرافنه باقنه رق کندیسنه بر یاردجی
آرایوردی . یانه کیده رک کندیسنه باقدم : « سزه یاردیم
ایده یمی ، مادمازمل ؛ » دیدم . آتش کبی قیپ قیرمزی
اولدی . « اوح ! موسیو .. » - « های ، های ؛ باس
یوق ... » دیرکن اوموزنده کی آردلنی دوزه لیدی ، دستینی
قالدیروب قویدم . تشکر ایده رک درحال اوزاقلاشدی .

❦

۱۷ مایس

هردرلو معارفلر حاصل ایتدم ، فقط هنوز بر مجلس
مصاحبتده بولنه مادام . بورالیرم قارشی نه کبی بر جذبه
خفیه یه مالک اولدیغمی بیله مم ؛ هپ بنی آرارلر ، بنی

جلب ایتمکله برابر قلبگزده خفی برلرزش حاصل ایدر .
هیچ برکون کچمزکه اوراده بر ساعت قدر استراحتله
وقت کچیرمش اولیمیم . کوی قیزلری کلوب دستیلرینی
طولودورلر . ایشته مفید ، آسوده بر مشغولیت که زمان
اوانلده قرال قیزلری بیله استخفاف ایتمزلردی . بوراده
اوطوردیغم وقت اسکی زمان آدملرینک حیات راعیانه لری
نظرمدده عینیه تعین ایدر . بویله آقار صوباشارنده کنجلاک
نصل اکتساب معلومات ایتدکلرینی دوشونه رک ، اختیارلرک
ازدواجلر تنظیمیه مشغول اولدقلرینی تصور ایدر :
بودره لرک ، پیکارلرک جوارنده دایما برحس خیرخواهانه
ایله طولاشیر ارواح متفکره تخیل ایلرم . اوح ! بونی
بنم حس ایتدیکم کبی حس ایتمین بر آدم هیچ بر زمان -
قیزغین بر کونشک آلتنده مشقتلی یوللردن کلوبده -
برمنبعده تسکین حرارت ایتمه مشدر !

❦

۱۳ مایس

بکا « کتابلریکی کونده ریممی ؟ » دیه صوریورسک ! ..
الله عشقنه ، دوستم ؛ بیراق شونلری ! بکا یاقلاشدیرمه !
بن آرتق رهبر ایسته مم ، حسیاتمی تهییج ایتمک ، آولندیر-
ملکده هیچ ایشیمه الویرمز ! زیرا بوقلب کندی کندینه
درجه کافیه ده تخمر ایتمکده در . حتی بنم - اوندن زیاده -
تنی کبی خواب آور برسروده احتیاج وار ، بونی ایسه
(هومه ر) دهه مع زیاده بولورم . قاچ دفعهلر غلیانه کلن دم
شبابمی تسکین ایتمک احتیاجنده بولوندم ! سن بنم کبی
متلون ، بنم قلم کبی آرامسز بر قلب کورمه مشکدر .
ذاتاً بونی سکا سویلمکه لزوم وارمی ؟ سن که بنم آجی
برباسدن طاشقین برسروره ؛ ساکن براغبراردن مجنونانه
برتهوره دوشدیکمی کورمکله قاچ کره لر حالمدن اندیشناک
اولمشدک ! ایسته بونک ایچون بن قلبی خسته برچوچق
کبی بقارم . بونی کیمسه یه سویله ، اوویه آدملر واردرکه
بوقصوری می جرم وجنایت قدر بیوتورلر .

❦

قابلیت ویرن شو قدرت محیر العقول اونك اوكنده پرده پرده تماماً انكشاف ایتیمیدی؟ اونكه مدار اشتغالز قلبك اكنازك، اكن درین احتساستی، فكرك اكن سربع انتقالاتی مبادله ایتك دكلی ایدی؟ اونكه... حتی آجی لطیفه لر من، اكن طوقوناقلی سوزلر من بیله ذكاوت و ظرافتك انطباعاتی طاشیا زیمیدی؟... نهی شمیدی...

هیها! اونك بكا برقچ یاش تقدم ایتمه سی بدن اول کرداب عدمه دوشمه سنی ايجاب ایتدی. اونو تامام؛ اونك متانت روحیه سنی، رقت لاهوتیانه سنی بن هیچ بر زمان اونو تامام.

معارفه حاصل ایتدیکم ذواتدن بری ده پرنسك معیتده بولنان حاکمدرکه حقیقه اوزی سوزی بر، مرده مستقیم برادمد. طفوزه واران اولادینك ارسنده اونو کورمه نك خوش اولدیغی سویلیورلر؛ بونلرک ایچنده خصوصیه بیوک قیزی سویلیه یوب سویلیه یوب بیتیره میورلر. کندیسنی کورمك اوزره بی دعوت ایتدی. ایلک فرصتده تیده جکم. بورادن بریحق فرسخ مسافه ده پرنسك آوه مخصوص برکوشکنده اقامت ایدیور! زوجه سنك وفاتندن صکره شهرده و خصوصیه خانه سنده اوطورمق کندیسنه پك تحلمسوز کادیکه چون بویه برکوشه ازوایه چکیلیمك مساعده سنی استحصال ایش ایش.

بونلردن بشقه گذرکا همنده برچوق اشخاص غریبه قاریقاتورلری کوردم. بونلرده هرشی - و خصوصیه نشانه دوستی کوسترمك هوسی - چکیلیمز اولیور.

✱

حیات بشر بر رؤیادن بشقه برشی دکلد. بونی بدن اولده سویلشله فقط هر نه دنسه بو فکر هر وقت بی تعقیب ایدیور. نه زمان اقتدار بشری... اونك خصائص عقلیه و فعالیت جسمانی سنی تحدید ایدن حدود مضیق ملاحظه ایدرسه م بتون قوت میزی، بتون غیر میزی احتیاجات ضروریه من اغورینه صرف ایدرک توکتدیکمز حالده او احتیاجاتی استیفا ایتمه منینه انجق حیات

صورارلر، بکا ملاقی اولورلر؛ بر حالده که یولده برلکده کیمه من ايجاب ایتدیگی زمان - ولوکه برقچ دقیقه اولسون - ینه زحمت چکیورم. اکر بورانك آدملرینك فصل اولدیغی صوره جق اولورسه ك دیرم که هر یرده فصلسه بوراده ده اوله در.

بی بشرک حالی هر یرده بردر: قسم اعظمی وقتلرینك جوغنی تأمین معیشت ایچون چالیشمق یولنده صرف ایدر: کریه قالان - واونلری سربست بیراقان - جزئی وقتلری ایسه کندیلرینه او قدر ثقلت بخش ایدر که بوندن قورتولمق ایچون مراجعت ایتدکلری بر واسطه قالماز. واه طالعسن انسانلر!

هر شیدن صرف نظر بونلر جدائی و صافی و صاف آدملر در. بعض کره کندی - ملی اونوته رق اونلره اکنجهیه قویولدیغیم اولیور. انسانلر ایچون حالا بعض ذوقلر قانشدر؛ او یون اوینامق، منتظم بر صوفره نك اطر افنده خالصانه صحبتلر ایتك، بر ارابه کزیتیشی ویا کلفتسز کچوک بر بالو ترتیب ایلک: بتون بوشیلر بنم اوزرمده اکناعلا بر تأثیر اجرا ایتمکدن خالی قالمیورلر. شو قدر وار که بو حالده بنده قوتلر، بشقه منیتلر بولندیغی - و اعتسایله کیرلکه مجبور اولدیغیم - اومزیتلرک قلت استعمال ایله پا صلاقمقده اولدیغی خاطریمه کله ملیدر، بو فکر قلبی صیقار... بونکله برابر بعض انسانلر طالعلری اقتضای اوله رق بیلنمه مش، اکنلا شلما مش قالیرلر.

آه! نیچون دم شبامک یار وفاکاری شیمدی یا نمده بولناملی؟ یا بن اونو نیچون بیلدم، طانیدم؟ کندی کندیه شویله سویلیه جکم: سن دلیسك، دائماً بودنیاده بولنمیان شیلری آراسك. فقط بن اوکا، او یار وفا کاره بر زمان صاحب ایدم؛ بن اوقلبی، اوعلوی روحی طانیدم؛ اوروحك حضورنده کندیمی دگرمدن بیوک گورردم؛ زیرا اونك حضورنده هویت انسانیم درجه کالی بولوردی. الهی! قوای فکریه و خصائص مغنویه مدن هیچ بری اوزمان معطل قالیرمیدی؛ بکا کاشاتی احاطه یه

سفیلانه مزی بر از دها تمیددن بشقه بر شیئه خدمت
ایتمدیکنی کورورم؛ نه زمان که بعض مسائل خباتیه
قارشی سکونت واسودکی ایچنده بولونشمزك صرف عجز
ایله متصف بر توکلدن عبارت اولدیغی دوشونورسم
طبی بر محبوسک بولندینی زندانک دیوارلینی کونا کون
اشکال دلفریب ایله تزیین ایتک ایستهشی قیلندن
بونکده فلاکت زمینی اوزرنده مؤسس ساخته
سعادتلردن بولندیغی جزم ایدرم: ایشته اوزمان،
دوستم، - نه دیهم؟ - بودوشونجهلره قارشی مبهوت
ولال اولور قالیرم. کندی کندیمه طالسهم، کندی
حدودیمه کیرسم ینه برعالم کشف ایدرم؛ فقط حقیقتدن،
فعلیاتدن زیاده اوراده مظلم نظریه لر، بوش خویسار
کورورم؛ او حالده هرئی نظرمدده صارصیلیر، تتر؛
بن .. بن ده تبسم ایدرهك، متصل بویله طالب دوشو-
نهك كائناتك کیتدکجه درینلکری ایچنده غیب اولور،
کیدرم. هادی دیلم، چوجوقلرهب ملاحظه سز اولسونلر،
نته کیم بونی تربیه اطفال متخصصلری تکرار ایدرطوررلر
فقط یاشی باشی الماش ادمارده - شوکره اوزرنده لرزان
لرزان بربری سوروکلین - بیوک چوجوقلردن عبارت
اولسونلر. نره دن کلدکاری، نره دیه کیده جکلرینی
بیلمه سینلر، حتی ایشلرنده، امور و معاملتنده بیله بللی
باشلی بر مقصدلری اولماسین، اولرنده کذلک قورابه لرله،
چورکازله آوونسونلر، دکنکلرله تربیه کورسونلر ...
اینسانیه حق شیئیدر؛ حال بوکه اعتقادجه بوندن
دها باهر، دها عیان بر حقیقت اولماز.

بو خصوصده سنی مع الممنونیه تصدیق ایله اعتراف
ایدرم (زیرا نه دیه جکگی بیلیورم) بونلر انسانلر
ایچنده اك بختیارلریدرلر، چوجوقلر کی اولرنده
بو کون بولقلرینی بیهك یارینی دوشونملر. بیکارینی
کزدیررلر، صویارلر.. اولرنده شکرله دولابنک اطرافنده
کمال حرمت واحترازه طولاشیرلر و آنه لر ی بودولابنک

محتویاتندن انلره ویردیکی زمان آچ گوزیلر کی یالابوب
یوتارق «دها ویر...» دیرلر. اوت، بختیار مخلوقلر
ایشته بونلردر! کذلک کوردکلری اك اهمیتسز، اك عادی
ایشلره شانلی عنوانلر ویرمن کیمسه لرده بختیاردر،
فضله اوله رق بو بیاغیلقلری سعادت وسلامت بشریه
نامنه درعهده اولمش امور عظیمه صرمه نه کیررلر!
بویله دوشونلرک، بویله یاپا بیلنلرک - نه دیهم؟ -
سعیلری شکور اولسون! فقط بتون بوشیلرک
اوجی نره واره جغنی محویت و خضوع ایچنده
جزم ایدن بر کیمسه، که شو اورته حاللی آدمک
باغچه سنی جنت کی سوسله یوب نره دیکنی؛ شو بدبخت
کویلونک - بلنی ایکی قات ایدن یوکک التده - هیچ
برشکایت، هیچ برتعنف کوسترم کسزین ایگله یه ایگله یه
کندینی سوروکلهدیکنی کورور، وهرایکینسک ده متساویا
مقصدی محضا بر دقیقه دها گون کورمک اولدیغی بیلیر.
ایشته اوکیمسه، دییورم: مستریخ وسا کندر: کندی
ایچنده اوده کندندن برعالم تکوین ایدر؛ اوده بی بشردن
اولدینی ایچون بختیاردر؛ قوت و قدرتی نه قدر محدود
اولورسه اولسون ینه کوکلنده حریتک لطیف بر حسنی
طاشیر؛ زیرا ایسته دیکی زمان محبسنی. ترك ایتک التده
اولدیغی بیلیر.

❦

۲۶ مایس

اسکیدن بری طبیعتی بیلیرسک، خوشیمه کیدن
بریر بولدیمیدی، اوراسنی درحال برکوشه وحدت اتخاذ
ایدرم، صکردهده بویغوله انزواده مصرفسزجه یاشار
کیدرم. بوصره ده ینه اوپله بریر بولدیم که بی کندینه
جلب ویند ایتدی.

مابعدی وار

کوته